

PAPARAN PENDAHULUAN

BANJAR BENGKULAN

CIRI SAHA SEWAYA BUDAYA.

Melampun taling pamarutan lila langhyang Widhi Wasa ngewentertang kabutipan Sekala Niskala ring Buana Adat miwah Buana Agung. Ngawiti bakli muang mukti, tilang sateng ditamian saling Kerama Banjar Bengguan mejadablah ngarament miwah ngatajagan Agung, sane kembanggehang anak tilang sariguan Kerama Banjar Bengguan sakadi sane coenggan ring or punika.

SARCAI

Par 1.

ARAHAN WEDIDANGAN.

Kerama Banjar punika mewasa Kerama Banjar Bengguan, magetan ring wawentikan Dena Adat Adatbanas, Kelurahan Adatbanas, Kecamatan Mengwi, Kabupaten Badung, Propinsi Bali.

Par 2.

DASAR LAM TEILIKON

1. Banjar punika ngembanggehang dasar inggih punika TRI HITI KARANA, Manut Tarwarang Buana Agung miwah Pancasila kadi meggah ring Pembukaan UUD 1945.
2. Tujuan miwah pengapil luwir ipun :
 - Ngalahi ketabalangan miwah kebukeraan Kerama Banjar ditamian Sekala Niskala.
 - Taling Tumbung (Gotong Royong) miwah ngataketang panemetonan Kerama Banjar ditamian utamin ipun rawitang Kerama Dena.
 - Ngembanggehang Agama, Adat, Sima tur Tata Sunila manut ring Dena Kala Patra mada kadi pamarja ngalahi tujuan sane meggah ring ajeng.

Par 3.

INDIK PRAJURU.

Kerama Banjar kembanggehang anak Prajuru-Prajuru inggih punika:

Kelias Utas, Kelias Adat miwah Kesimoran.

Paos 4.

INDIK PEMILIHAN PRAJURU.

1. Kelian Dinas miwah Kelian Adat kapilih wiadin keuwusan antuk Perarem Banjar.
2. Kelian Dinas inucap ngewangku jabatan Enem warsa (manut peraturan pemerintah).
3. Kelian Adat inucap ngewangku jabatan Limang warsa (manut pararem Desa).
4. Kesinoman inucap ngewangku jabatan Awarsa (manut pagiliran).
5. Patengen inucap ngewangku jabatan Limang warsa. Sesempune telas masa jabatannyane, patut polih Cindra mata (cincin mas 5gr)
6. Sesampune Limang warsa Prajuru inucap patut ngaturang jabatannyane ring Paruman Kerama Banjar

Sane kedadosang Prajuru Banjar, Inggih punika;

- a. Dados warga ngarep.
- b. Cacep ring sastra.
- c. Uning ring sima,tur sampun merabian.
- d. Melaksana beciktur nenten lempas ring Undang-Undang miwah Peraturan Negara Republik Indonesia.
- e. Yening salah sinunggil Prajuru punika nyantos dasa warsa (10th) patut Kerama Banjar ngaturang pangeling-eling minakadi imbalan manut kadi suwedarmannyane.

Paos 5

INDIK TATA CARA PEMILIHAN PRAJURU.

Tata cara pemilihan Kelian Dinas /Kelian Adat inggih punika:

1. Kelian sane pacang telas masa jabatannyane patut nyudi Kerama Banjar limang (5) diri kedadosang Panitia pemilihan (Formatur) tur kerareman antuk Kerama Banjar.
2. Yening silih sinunggil Kelian punika seda, sedereng telas masa jabatan nyane, Kelian sane tiosan patut digelis nyudi Panitia Pemilihan limang diri sekadi sane menggah sekadi ring ajeng,
3. Panitia inucap nerima calon-calon sane keajuang oleh Kerama Banjar ,utawi sane ngajuang diri dados calon Kelian.
4. Asing asing calon sane sampun kepolihang olih panitia (Formatur) patut keuningayang majeng ring Kerama Banjar, tur kecumpunin antuk Kerama Banjar.
5. Sesampun ketureksanin daftar calon inucap raris kewentenan pemilihan oleh Kerama Banjar sinamian. Kejanten ipun sapuniki, calon sane molihang suara paling makuweh ring pemilihan inucap, punika sane kemenggahang dados Kelian.

- 5a. Calon Kelian sane jagi kepilih paling akeh Tigang diri
- 5b. Yening calon wantah asiki langsung keanggehang dados Kelian
- 5c. Yening nenten polih calon, jagi keambil pagiliran kesinoman silih sinunggil dados Kelian (jabatan awarsa).
- 5e. Kerama Banjar sane memilih wanteh kerama ngarep.
- 5f. Kerama balu kebebasang dados Prajuru.

Paos 6

INDIK SWADARMAN PRAJURU

1. Kelian Dinas ngerauhang sehananing pidabdab saking pemerintah sapunika taler usul usul saking Kerama Banjar, raris kelanturang ring pemerintah. Tiosan ring punika taler sareng ngemiletang Kelian Adat midabdab kesukertan Krama Banjar sinamian.
2. Kelian Adat midabdab indik Adat Miwah Agama.
3. Kesenoman nyarengin pikayun sane kepidabdab wiadin sane keenterang antuk Kelian Dines miwah Kelian Adat indik urusan Dines wiadin Adat.
4. Kesenoman nerima piduduh saking Kelian tur ngerauhang ring Kerama Banjar miwah nerima pepuangkidan.
5. Mitetes dedunungan sane wenten megenah ring Kerama Banjar
6. Prajuru patut nyaksinin pemuput indik bebaosan manut kewentenan ipun ring Awig-awig lan uger uger Desa Adat Abianbase.
7. Prajuru nerima pemitahu saking Kerama Banjar sinalih tunggil indik keicalan baya pati, Arta baya, miwah ngutsahayang mangda paindikan punika sida terang.
8. Prajuru inucap patut mitunggilan pikayun sejeroning nabdab napi luire ring Banjar ngulati kesukertan Kerama Banjar sinamian.
9. Mitetes rikala wenten Warga Banjar sane sampun merabian rauh budal tur jenek sane kewastanin ngambul tur ngutsahayang mangda Kerama punika mewali paras paros merabian.
10. Prajuru patut mekarya llikita luirnyane catatan indik cacah jiwa, catatan indik karya sane kerajegan antuk Kerama Banjar nyantos pemuputnyane, catatan jinah tur dedosan miwah sane lianan sane keunggehang sarat.
11. Prajuru patut nureksain paindikan jinah pederben Banjar yadiastu sareng sinamian wiadin soang soang.

Paos 7

INDIK WEWENANG PRAJURU

1. Prajuru wenang ngewakilin Kerama Banjar metemuang baos ring sapa sira ugi.
2. Nyudi sinalih tunggil Kerama Banjar pacang ngelaksanayang pekaryan sane kebuatang antuk Banjar.
3. Micayang petias karya ring sinalih tunggil Kerama Banjar minakadi imbalan manut ring swadarmannyane.
4. Prajuru dados ngemedalang pederben Banjar mina kadi prabot-prabot manut perarem Banjar tur sesampune mangda kesiarang ring paruman Banjar.
5. Prabot sane keanggen oleh Kerama Banjar, ketunasin punia mangda wenten anggen biaya perawatan.

Paos 8

INDIK PRAJURU UWUSAN

Prajuru keuwusang ngewangku jabatannyane riantukan:

- a. Seda.
- b. Saking pinunas nyane preragan, Tur sampun kepatutang antuk paruman Kerama Banjar.
- c. Telas masa jabatannyane.
- d. Sungkan tur nenten mresidayang malih ngemargiang swadarmannyane.
- e. Saking peparuman Kerama Banjar riantukan lempas saking swadarmannyane.

Paos 9

INDIK OLIH OLIHAN WIADIN PIKENOH PRAJURU

1. Leluputan kenan- kenan ring Desa.
2. Cenengan (angkepan) sehananin peduman Banjar.
3. Miwah olih-olihan siosan manut perarem Kerama Banjar.

Paos 10

INDIK UPADESA SABHA

1. Mangda becik pidabdabe ring Banjar Prajuru ketampih antuk anggota sane mewasta Upedesa Sabha.
2. Anggota Upedesa Sabha puniki ketahnyane limang diri kepilih antuk:
 - a. Tinggang diri kepilih antuk Kerama Banjar.
 - b. Kalih diri antuk Prajuru.
3. Anggota Upedesa Sabha puniki ngewangku jabatan limang warsa.

Paos 11

INDIK KERAMA ADAT BANJAR

Sane kewastanin Kerama Adat Banjar inggih punika:

1. Krama Banjar ngarep, warga sane witnyane turun-temurun nyungkemin pekraman Banjar.
2. Warga sane witnyane saking tios Desa wiadin Banjar sane ngawa karang peumahan.
3. Warga penumpang wiadin dedunungan inggihan punika warge sane tios desa medunungan iriki gumana wantah ngewilangan pengupa jiwa tur sampun merabian.
4. Siosan saking sane keunggahang ring ajeng, sane kewastanin warga dedunungan adat Banjar sinamian sane menggah cacah jiwanyane ring Banjar.

SARGA II

Paos 12

1. Kerama Banjar Sengguan sane sampun merabian, ring tepengan tahun baru patut tedun mekerama Banjar. Sejawanin sane kewastanin penyelediyi, patut naur pemopog Rp.300.000; dados kecilcil enem sasih (6 bulan).
2. Warga saking tios Desa wiadin Banjar sane ngawa karang paumahan megenah ring wewidangan Banjar Sengguan, langkungan ring tigang sasih tur sampun merabian mepikayun tedun mebanjar patut ninutin paindik sekadi ring sor puniki;
 - a. Pinih riyin nguningayang ring prajuru Banjar.
 - b. Rikala paruman Kerama Banjar, Prajuru nyiarang indik pinunas warga punika.
 - c. Sesampune keterima becik pinunas warga punika, Ring rahina paruman patut warga punika rawuh ke Banjar saha ngaturang Upakara, Canang Daksina miwah runtutanipun ring Ida Betara Ratu Ngurah Begawan Penyarikan.
 - d. Nyadia ninutin Awig –Awig miwah perarem-perarem ring Banjar.
 - e. Naur pemopog Jinah miwah batu-batu kadi ring sor;

- e.1. Yening wenten kerama tamiu tedun mekerama banjar ;
- a. Mekerama banjar Adat, keni batu-batu 150 kg. beras.
 - b. Mekerama banjar Dinas keni batu-batu 150 kg. beras. Ngeranjing ke khas Adat 100 kg ngeranjing ke khas Dinas 50 kg.
- e.2. Yening wenten kerama tamiu tedun mekerama banjar nanging sinalih tunggil kerama punika mawit saking Banjar Sengguan :
- a. Mekerama banjar Adat keni batu-batu 75kg. beras.
 - b. Mekerama banjar Dinas keni batu-batu 75kg. beras. Ngeranjing ke khas Adat 50kg. ngeranjing ke khas Dinas 25 Kg
- e.3. Yening kerama tamiu tedun mebanjar Adat naur pemopog jinah selila kayun (Punia).
3. Warga penumpang (dedunungan) nenten dados ngarianang wewangunan ring sejeronin Kerama sane kedudukan. Yening sampun kebebasang ngewangun antuk sang mederbe tanah dados ngewangun, sakewanten mangda mesadok ring Kelian Dinas.
 4. Warga penumpang (dedunungan) patut nawur sumbangan ke Desa Adat (manut Perarem Desa).
 5. Yening wenten kerama tamiu numbas karang peumahan ring wewidangan banjar Sengguan patut naur batu-batu Rp. 2000.000; ngeranjing ke khas Adat Rp.1000.000, ke khas Dinas Rp.1000.000;

Paos 13.

INDIK SWEDARMAN KERAMA BANJAR.

1. Sinamian Kerama Banjar patut ngayah ke Banjar sejawanin sane;
 - Ubuh ketinggalin yayah rene turin kantung alit napi malih kantung masekolah, sakewanten yening sampun merabian kepatut tedun ngayah.
 - Balu ngelisting ngawa karang, yening nenten kantung meresidayang mekarya sejeroning enem sasih, patut sampun ngewilangin wiadin ngewentenang penyeledi. Ayah-ayahan ipun luput ring Banjar, rikala seda mayat ipun jagi kepreteka oleh Kerama Banjar yening wenten peenjuh saking sang sane nruwenang.
 - Balu ngemban putra, sekantun putran nyane alit tur kantung masekolah keni ayah balu kewanten, nanging yening putrannyane sampun merabian patut warga punika keni ayah lanang istri.

- Yening wenten krama banjar sane sampun meyusa 60 tahun sakemaon durung medue ayah penyeledyi, ayahnyane kebebasang. (pakul tana)

2. Balu Lanang wiadin balu Istri

- a. Balu istri mederbe ipen lanang tur sampun meyusa pitulas tiban durung merabian, ipen nyane punika patut ngayahin lanang nyantos mederbe rabi.
 - b. Balu lanang maderbe semeton istri sampun mayusa pitulas tiban tur nenten masekolah semetonnyane punika patut ngayahin Kerama Banjar istri.
3. Tinut ring suaran Kulkul.
 4. Tinut ring Awig-awig Banjar.
 5. Tinut ring perareman paruman Banjar.
 6. Tinut ring pituduh Prajuru sane nenten lempas ring Awig-awig miwah Perarem.
 7. Kerama Banjar patut naur pepeson minakadi urunan-urunan miwah seluwiring aci-aci Upakara ring Banjar.
 8. Rikalaning Kerama Banjar ngemanggehang karya Adat utawi Agama Kerama Banjar Patut melaksana wiadin mepengangge nganutin Adat tata cara.
 9. Patut nguningayang ring Prajuru rikala wenten warga sane seda, ngemijilan putra, melayatan, Nerima dunungan, bhaya pati, bhaya geni, bhaya artha, kepelengandang, dura cara ring agama.
 10. Seluwiring pakaryan Banjar patut kekaryaning sebecik beciknyane jantos puput.
 11. Rikala wenten pinunas pengampura olih Warga Banjar seantukan pekaryan wiadin Keiwangan tur sampun keterima becik antuk Kerama Banjar nenten patut malih keuningan.
 12. Patut melaksana miwah metata cara saling asah, saling asih, saling asuh ring pasemeton warga Banjar utaman ipun, pingkalih semeton tios Banjar rauhing Desa.

INDIK WEWENANG KERAMA.

1. Kerama Banjar sinalih tunggil dados nunas pitulung ring Kerama Banjar manut sekadi menggah ring Awig-awig miwah Perarem.
2. Bebas ngemedalang pikayun ring paruman Banjar sakemawon wenten watesnyane.
3. Wenang memilih utawi kepilih dados Prajuru nganutin Awig-awig ping kalih peraturan Pemerintah.
4. Rikala mederbe kepatian wenang polih wantuan miwah pegebagan saking Kerama Banjar.
5. Kerama wenang mepuwangkid :
 - Mederbe karya Panca Yadnya.
 - Sungkan, metepetin anak sungkan, sedek ring peluasan, kundangan miwah majenukan, sapunika taler anak istri menyusui anak alit sejeroning tigang sasih.
6. Kerama Banjar sane kemanggehang dados Pemangku Khayangan Tiga ring Desa Adat Abianbase wenang keluputin ring ayah sedurung mederbe penyelediyi.
7. Kerama Banjar patut nyarengan meseserep rikala wenten;
 - Kerama Banjar ical nenten wenten tetujon miwah pengungsinnyané, sesampun wenten penguningayang ring Prajuru.
 - Wewalungan sane mabobot kirang langkung 50kg, yening wewalungan punika kekeniang sejeroning seserepan sang mederbe patut naur batu-batu ke Banjar 10% saking pengargan wewalungan punika, pemargin seserepe bebas ring wewengkon Desa Adat Abianbase.
8. Seluwirin wenten kapialang kepatian ring Kerama Banjar, tur kecihneyang antuk suaran Kulkul ping 3 Kerama Banjar patut magebagan ring genahnyane kepialangan manut pegilir saking rahina Kulkul masuara ping 3 rawuh rahina pekutangan ngelantur malih tigang rahina (wengi) yadiastu sane seda kantong alit sane nenten kesuarang kulkul patut taler polih pagebagan.
9. Sane nenten netep ring peumahan/ puri (diluar kabupaten Badung) kedadosan numbas ayah prejuru, batu-batu kadi
Ring sor :
 - a. Kerama Lanang keni batu-batu 20 kg. beras.
 - b. Kerama Istri keni batu-batu 20 kg. beras.C. Ketawur ring telasing warsa (akhir tahun). Ayahlan peson peson selaku warga tetep memargi

Paos 15

INDIK UWUSAN MEKERAMA BANJAR

1. Yening Kerama punika seda tur nenten wenten warisnyane.
2. Saking pinunas ipun pereragan, tur sampun keterima becik ring paruman Banjar.
3. Kenaroyang antuk Kerama Banjar nganutin sulur kalih tata kadi ring sor puniki;
 - a. Kerama sane lempas ring Awig-awig miwah perarem Banjar.
 - b. Sampun mewanti-wanti polih pekeling saking Prajuru Banjar. Yening sampun polih pakeling saking prajuru ping Tiga, nenten taler nganutin suwedarmannyane, kerama punika jagi ketiwakin danda utawi sangsi inggih puika nenten polih pelayanan saking klian Adat.
 - c. Yening pinunas pengampurannyane nenten telor keterima antuk Kerama Banjar.
 - d. Kenaroyang punika keambil sejeroning Kerama Banjar.
4. Kerama Banjar sane uwusan mekerama Banjar saking becik, peduman kas kewaliang yening Kerama Banjar kantun mederbe kas.
5. Yening suwedarman ipun ten becik Kerama Banjar wenang memindah saking suka-duka banjar tur nenten polih punapa-punapi.
6. Yaning ipun seda menawi nenten mederbe waris patut taler ketanem, kemawon nenten polih pagebagan manut sekadi pituduh Pemerintah.

Paos 16

INDIK SUARAN KULKUL.

Sane patut nyuwarang Kulkul Banjar wantah Prajuru Banjar miwah silih sinunggil Kerama Banjar sane kepituduh antuk Prajuru, sejawanin rikala wenten bhaya nadak inggih punika; Geni baya, Jiwa baya, Artha baya, Kepelegandangan, miwah dura cara ring Agama.

Tetengeran suaran Kulkul sekadi ring sor puniki:

- a. Suara ping Lima (5) baban cihna Kerama Banjar daha merangkat wiadin melayatan (merabian)
- b. Suara ping Tiga (3) banban, cihna Warga Banjar wenten padem.
- c. Suara ping kalih (2) nabuh, cihna Warga Banjar wenten pekaryan wiadin parum.
- d. Suara banban ngeluwur, cihna wenten Bulan kepangan.
- e. Suara bulus Kalih tulus (2), cihna wenten Artha baya, kepelegandang miwah dura cara ring Agama.
- f. Suara bulus Tigang tulus (3), cihna wenten jiwa baya.
- g. Suara bulus ngelantur, cihna wenten Geni baya.

Paos 17

INDIK PARUMAN.

1. Paruman Kerama Banjar kewentenang Asasih apisan (tanggal 9)

Indik dauhnyane kesukserah ring kewicaksanaan Prajuru. Paruman teler kewentenang sejawaning asasih yening antuk Prajuru kesengguh sarat.

2. Parum kaping ajeng kebahbah antuk Prajuru manut ring acara paruman.
3. Warga Banjar suang-suang sane parum kebebasang ngemedalang pikayun miwah suara sakewanten wenten mewates. Pikayun punika patut keterima riyin oleh Prajuru sane pecang ngicen pemutus, sakewanten yening Prajuru dereng meresidayang micayang pemutus usul punika patut kebaosang sareng-sareng ring paruman kala punika selanturnyane paruman kebaosang indik usul-usul punika, yening kebuatang sarat keunggahang dados usul Banjar sane jagi kebakta ring paruman Desa. Miwah keranjingan ring Awig-awig utawi Perarem.
4. Pemutus kebawosang ring paruman Banjar sane presida keunggahang dados usul miwah Awig-awig lan Perarem, Yening sampun kecumpunin oleh Kerama Banjar sinamian sane nyarengin parum rikala punika.

Paos 18.

INDIK UTSAHA-UTSAHA.

Mangda tetujon ring ajeng presida kepanggih sekirang-kirangnyane patut wenten sang wicaksana artha miwah serana. Duaning sapunika patut kemargiang usaha-usaha antuk Kerama Banjar sekadi ring sor puniki.

- a. Ngemedalang urunan-urunan.
- b. Nerima Danapunia.
- c. Mesewang perabot miwah wewangunan druwen Banjar.
- d. Usaha-usaha tiosan sane patut tur kewenang.

Paos 19

INDIK KESUKERTAN.

Kesukertan punika maka larapan mangda tetujon sane menggah ring Awig-awig punika gelis kepangguh, Warga Banjar suang-suang patut ngelaksanayang indik sekadi ring sor puniki;

1. Seluwiring karang peumahan wiadin peneban patut mewates antuk Tembok wiadin Pagehan. Megaleng Kaja lan Kangin.

2. Sehananin pepayon nenten dados ngungkulin karang paumahan tiosan (pisaga).

Yening wenten pepayon asapunika sang mederbe patut digelis munggel wiadin ngicalang utawi ngebah mangda sampunang nyantos dados rebat. Yening indik punika nyantos dados wicara Prajuru banjar patut micayang pidabdab perdamaian.

3. Pepayonan sane ngungkulin wewangunan pisaga sane kecihnayang pacang ngerubuhin wewangunan tur sang mederbe wewangunan punika sampun mepekeling kesaksinin oleh Prajuru Banjar. Yening pepayonan punika rebah tur ngerubuhin wewangunan, sang mederbe pepayonan patut naur prebiya indik kerubuhan punika.
4. Tetanduran tanem tuwuh patut mesengker adepa agung (2 meter) saking tembok pewatesan.
5. Pengutangan Toya mangda sampunang ngelancab utawi ngemarginin karang pèumahan pisaga.
6. Nenten dados ngelumbar wewalungan, patut kekarianang kandang.

Paos 20.

INDIK PECAMIL/ BASA SANE NENTEN MATUT KEWILANGIN/ BASA KASAR

Kerama banjar patut kekeniang pecamil seantukan;

- a. Memisuh pereragan Banjar.
- b. Memisuh Prajuru Banjar.
- c. Nyemerin wewangunan pederben Banjar.

Tur indik punika mangda wenten saksinipun wiadin sane purun muktiang sekirang-kirang nyane kalih diri. Sada purun pacang kesumpahin iwang utawi neten iwang seantukan kirang panureksa utawi samar pamit pemutus paruman Kerama Banjar. Yening ketepekan iwang sang melaksana punika patut nunas pengampura ring Kerama Banjar saha ngaturang Upakara Pemerasisita tur nyadia naur denda sane ketiwakan antuk paruman Banjar mageng 10kg beras.

Paos 21.

INDIK WEWENANG BANJAR.

Kesisipan ring warga miwah Kerama Banjar. Sinalih tunggil warga wiadin Kerama Banjar kecihnayang iwang, lempas ring suwedarma Kerama Banjar wenang niwakang;

1. Pepinget.
 - a. Marep ring Kerama kelaksanayang antuk Prajuru sekadi kebaos ring ajeng.

- b. Marep ring Prajuru kelaksanayang ring sajeroning peparuman Banjar.
2. Danda marep ring Kerama Banjar, ageng alit dendan ipun manut ring paruman Kerama Banjar. Perayasita marep ring kerama sane kebaos ring ajeng
3. Kenaroyang;
 - a. Marep ring Kerama sane kecihnayang iwang.
 - b. Marep ring Prajuru sane kecihnayang iwang.
4. Rerampagan kemargiang ring Kerama sane begug nenten nawur dedosan miwah urunan-urunan sulur lan tatanannyane nganutin sekadi ring sor puniki;
 - a. Kelaksanayang antuk Prajuru kesarengin antuk Kerama pinaka saksi.
 - b. Sang kerampang tan dados ngalang-ngalangin saha patut nyaksinin rerampagan punika.
 - c. Barang-barang sane kerampang manut agung alit hutang ikerama utawi nyawenang tetanggannyane sane kerampang.
 - d. Prajuru meteketin mangda barang-barang punika digelis ketebus.

SARGA III

INDIK KARYA SUKA-DUKA WIADIN MEYADNYA-YADNYA.

Sapasira ugi Kerama Banjar ngewangun karya sane pekaryannyane katur ke Banjar, patut marumang Banjar. Sang mederbe karya pinih riyin patut nguningayang ring Prajuru sekirang-kirangnyane pitung rahina sedereng karya, rikalaning rahina marumang indik karya punika sang mederbe karya patut ngaturang Peras Daksina ring Ratu Ngurah. Ritatkala Kerama Banjar ngambil pekaryan punika, sang mederbe karya patut ngaturang tegak Lanang-Istri manut dudonan karya sekadi ring sor puniki;

Paos 22

I.INDIK MANUSA YADNYA.

I.A. Indik alaki rabi (penganten) sane ngambil wiadin keambil kecakap oleh Banjar.

1. Sane ngambil;
 - a. Yening wenten warga Banjar Sengguan ngambil doh miwah nampek patut kesaksinin oleh Prajuru lan Kerama Banjar.
 - b. Rikalaning muputang upakara pewiwahan patut kesarengin oleh Kerama Banjar.
2. Sane keambil;
 - a. Yening wenten semeton Banjar keambil doh miwah nampek patut kesaksinin oleh Prajuru Banjar.
 - b. Rikalaning pemuput upakara pewiwahan patut kesaksinin antuk Kerama Banjar.

-Yening wenten kerama banjar Lanang/Istri keambil tios banjar utawi Desa sang sane ngambil (purusa) patut ngaturang Pejati ring RATU NGURAH BEGAWAN PENYARIKAN ring banjar,tur keni batu-batu Rp.350.000; pinaka penebas suara gendongan.

kepah kadi ring sor;

1. Ngeranjing ke khas banjar Adat Rp. 100.000;
2. Kelian Adat Rp. 75.000;
3. Kelian Dinas Rp. 75.000;
4. Kelian Desa Rp. ^{100.000}~~75.000~~;

I.B. Sane nenten kecakap oleh Banjar patut taler kesaksinin oleh Prajuru Banjar;

- Yening wenten tambungan jagi medelokan nenten polih pewales tegak.

II. Melepeh, Mesakapan, Mesangih, Nyambutin langsung pepetik (nuwur Peranda).

II.A.Sane kecakap Banjar;

- a. Kerama Banjar Lanang-Istri katuran tegak soang-soang ngatik Lima (5,5,3).
- b. Sang mederbe pekeryan dados nunas pekeryan ring Kerama Banjar ping Tiga (3)

Lanang-Istri

c. Sangu Kerama Banjar;

- Sebilang mekarya arahina polih rayunan apisan, wedang ping kalih, lanjaran.
- Ritakala mekarya katikan polih sanganan kuskus apisan Lanang-Istri, yaning Istrinyane kantun mekarya.
- Yening Kerama Banjar mekarya $\frac{1}{2}$ hari ping kalih patut sang mederbe pekeryan ngaturan rayunan apisan.
- Yening mekarya wengi-wengine liwat nyantos jam 10 yening mesuwara Kulkul wenten sampun mekarya ping kalih sang mederbe pekeryan patut ngaturan rayunan apisan.
- Rikalaning Warga Banjar ngambil pekeryan Ebat rikalaning ngambil Basa pinih riyin wantah katurang sanganan kuskus,wedang, lanjaran.
- Ring tepengan Kerama Banjar mekarya Ebat polih penyemeng utawi rayunan prasmanan, wedang lanjaran malih apisan.
- Ring pelengan ngaryanan ulam banten polih ajengan apisan wedang lanjaran.

- Sedurunge pekaryan sang medruwe karya puput, Kerama Banjar nenten kedadosan budal.
- Rikalaning rahina sampun lemah tur kantung Kerama Banjar mekarya polih wedang kemaon.
- Tamu sane rawuh ritatkala karya punika kebebasang ngaturan toya /teh /wedang.
- Yening wenten mederbe pekaryan ngemilangin Kerama Banjar Lanang kemaon ngukus ajengan tetep memargi tegak Lanang-Istri tetep kemargiang.
- Ketunasan ajengan arong wiadin 3 kg beras.
- Yening petugas Banjar kantung mekarya ring sang mederbe pekaryan patut katurang sewentene irika.

II.B. Nenten kecakap Banjar.

- Yening wenten tambungan jagi medelokan nenten polih pewales tegak.

II. INDIK DEWA YADNYA

Sane kewastaning karya sane menggah ring Awig-Awig inggih punika sinamian Upacara wiadin Upakara sane katur ring Ida Sang Hyang Widhi, Betara, Dewa, Pitra utawi Khayangan Warga miwah Upakara sane keayat ring Bebutan luir ipun:

I. NGENTEG LINGGIH LAN PEDUDUSAN

- a. Kerama Banjar Lanang keaturin tegak ngatik 5, kerama banjar Istri keaturin tegak katik 5, upah ngukus ngatik 5, Rayunan belah 4 Lanang –Istri.
- b. Sang sane mederbe pekaryan dados nunas pekaryan ping 6 X Lanang- Istri.
- c. Sangu Kerama Banjar;

-Yening Kerama Banjar mekarya satu hari polih ajengan apisan, wedang lan lanjaran

SARGA IV.

PITRA YADNYA

Sane kebaos Pitra Yadnya inggih punika :

I. Mati cenik (metanem)

- a. Sejawaning Kerama Banjar mekarya nenten polih punapa punapi.
- b. Patis Banjar memargi sekadi biasa inggih punika ;

- Patis Kerama Banjar jumah Rp. 50.000,00
- Patis Banjar biaya kompor (pengesengan layon)
- c. Sekampung sawa ring Puri perumahan, Kerama Banjar patut megebagan manut pegiliran ngantos jam 02.00 semeng, sejawaning wenten Kerama sane kapiambeng (sungkan, medue kanya adat, melolongan doh lan sane tiosan), patut mesadok ring Prajuru.
- d. Sesampune layon imkap kependem keaben Kerama Banjar patut taler ngerauhin sang medue alang malih tigang rahina nyantos jam 12 wengi.
- e. Rikalaning Kerama Banjar megebagan wantah polih wedang kemanten.
- f. Ngerereh reranton wantah Kerama Banjar.
- g. Pengas mambang wantah polih wedang lan sanganan.

II. MEGESENG MEGULUNG.

1. Mesuara Kulkul ping Tiga makecihna wenten Kerama sane kapiulangan
2. Kerama Banjar ngarap pekaryan sepuput nyane
3. Patis Kerama Banjar pateh sekadi ring ajeng (jumah Rp. 50.000,00)
4. Sanganan pemuwaan wantah angen Upakara kemanten.

III. NGABEN UTAMA

1. Mesuara Kulkul ping Tiga makecihna wenten krama sane kapiulangan.
 2. Kerama Banjar ngarap pekaryan ping enem (6x)
 3. Patis Kerama Banjar pateh sekadi ngaben megeseng megulung.
 4. Kerama Banjar polih ajengan setunggilin mekarya.
- Rikala acara pebersihan utawi nyiramin kerama Banjar ngayah manut pagiliran (regu). Sesampune puput pebersihan kerama banjar mangda nyarengin ngastawayang, mangda sang sane lampus polih pemargi sane becik.
 - Ulam upakara kegarap oleh kerama Banjar.

IV. INDIK SEDA MELARAPAN GERING ILA.

Rikala wenten Kerama Banjar Sennguan seda mejalaran sungkan Ila, pemargin Kerama Banjar Pateh sekadi ring ajeng sakewanten indik nanem Sawa punika manut pemutus Bendesa Adat. Pebersihan mayat wantah keluargannyane, sakewanten negen ke Setra Kerama Banjar.

Tata sulur rikala Kerama Banjar Lanang Istri, ngiringan layon kesetra tur muputang.

1. Rikala Kerama Banjar Lanang Istri ngiringan layon ke Setra rawuh muputang mendem wiadin ngeseng patut ngange tata sulur sekadi ring sor puniki;

- a. Nedunang layon saking genahnyane rawuh ngunggahang ring Pepaga wiadin genah tiosan minakadi pengusungan miwah Bade, pemargine patut alon tur nenten kepelegandang.
- b. Sapunika teler pemargine nuju Setra patch sekadi ring ajeng nenten dados melegandang, urutan pemargine pinihriyin para Istri sane makta piranti upakara sekadi pemergine medeeng, sapunika taler sane nenten makta upakara patut memargi ring ajeng, ukuran Kerama Lanang ngusung Layon, miwah pinih unkur para Lanang sane ngiringan layon punika.
- c. Sesampune rawuh ring Setra Kerama Banjar Lanang Istri nenten dados ninggalin budal sedereng kesiarang antuk Prajuru pinaka pekaryane sampun puput.

V. INDIK KERAMA SEDA SAKING TIOS DESA.

Rikalaning wenten Kerama saking tios Desa seda ring sinalih tunggil Kerama Banjar Sengguan, yening wenten pinunas saking Kerama punika, mangda sawa punika kepuputang iriki luwir Upakarannyane wantah mependem utawi meswasta geni. Kerama Banjar Lanang Istri patut keparumin, sesampune keterima tur sampun polih nunasang indik Setra saking Bendesa Adat, Kerama Banjar patut muputang pekaryannyane, sesampune puput sang mederbe Sawa punika patut naur batu-batu ke Banjar.

- Upakara/ biaya punika patut sang sane ngarep wiadin semetonnyane sane dados pemucuk ngicen Kerama Banjar. Batu-batu ring kerama banjar meageng 6kg beras perorang (per kk 12kg.). 1 hari pekaryane wantah mependem. Pegebagan nenten wenten.
- Sedurunge upacara kelaksanayang patut nunas persetujuan saking Bendesa Adat Abianbase indik Setra
- Yening nyantos megeseng kepatut marumang Kerama Banjar riyin, Awig-awig ipun pateh sekadi Awig-awig Banjar metunjel, batu-batu lipat ping Tiga pegebagan nenten wenten.

INDIK NERIMA PENUMPANG.

Sinalih tunggil Kerama Banjar Sengguan kedadosang nerima penumpang, yening penumpang punika sampun nganutin sapacara ring sor puniki;

1. Meduwe Kartu Penduduk (KTP) sane kanton manggeh.
2. Surat keterangan berkelakuan baik (KB) sane kemedalang antuk Kepolisian ring genah asalnyane.
3. Surat jalan sane kemedalang antuk kepala Desa Utawi kepala Kelurahan.
4. Kartu Keluarga (KK)

I. Sane sinanggeh penerima penumpang.

1. Kerama Banjar Sengguan sane nguwehin genah anggen jenek sejeroning wewengkon Banjar Sengguan yadiastu antuk mesewang wiadin antuk paitungan sane tiosan nanging Kerama Banjar punika nenten mekadang ring sang sane jaga numpang.
2. Sane kesinanggeh penumpang; sapasira ugi saking dura Banjar Sengguan, sane jaga megenah ring sejeroning Banjar Sengguan, Yadiastu pacang ngulati pengupajiwa utawi paitungan sane tiosan nanging tan mekadang ring sang sane jaga nerima punika.

II. Sane patut kelaksanayang oleh penerima penumpang.

1. Penumpang sane dados keterima ring sejeroning wewengkon Banjar Sengguan inggih punika yening sampun jangkep nganutin piteket.
2. Sang sane jagi nerima penumpang patut mesadok ring Kelian Banjar mesengker arahina (24 jam) sesampune penumpang punika jenek ring genah sang sane nerima penumpang punika
3. Ritakala penerima penumpang jaga mesadok ring Kelian Banjar patut kesarengan antuk sane jagi numpang tur makta surat-surat sane jagi katur ring Kelian Banjar, sapunika taler yening penumpang punika jagi metilar ring wewengkon Banjar Sengguan.
4. Penerima penumpang patut nyarengin ngutsahayang ketreptian sejeroning wewengkon Banjar Sengguan minakadi;
 - Keamanan wewidangan Banjar Sengguan
 - Indik pemargin Adat lan Agama.

III. Sane patut kelaksanayang oleh penumpang.

Seluwiring penumpang sane magenah ring wawengkon Banjar Sengguan patut nganutin sepecara kadi ring sor puniki;

1. Awig-awig Banjar Sengguan.
2. Nyarengin ngutsahayang mangda tetep trepti utamannyane ring wawengkon Banjar Sengguan
3. Patut nganutin sapacaraning Adat lan Agama ring genahnyane numpang.
4. Penumpang tan patut nerima penumpang siosan malih.

IV. Indik danda.

1. Penerima penumpang sane tan nganutin piteket ring arep sinanggeh lepas ring paruman Banjar miwah tan tinut ring pituduh Prajuru patut keni danda sekadi sane menggah ring Awig-Awig Banjar Sengguan.

2. Penumpang sane tan nginutin Awig-Awig ring arep kanaroyang saking wewengkon Banjar Sengguan oleh Kerama Banjar utawi kesarengin oleh Kepolisian miwah alat Negara siosan.

PAWEWEH

1. Sinalih tunggil Kerama Banjar Sengguan yening pacang mesubaya ring sang sane jaga numpang mangda ngangge surat-surat sepatutipun.
2. Sinalih tunggil Kerama Banjar tios ring wewengkon Desa Abianbase yening jaga magenah ring wewengkon Banjar Sengguan mesengker Pitung Rahina patut taler mesadok ring Kelian Banjar.

TAMBAHAN DAGING AWIG-AWIG.

1. Warga Banjar sane sampun merabian tur rawuh malih ke umah asalnyane jenek tur seda patut taler kegarap oleh Kerama Banjar.
2. Yening wenten Kerama Banjar seda patut nganutin Adat mewastu turin ngangge Anteng, peteh sekadi ngayah patut taler sapunika.
3. Yening wenten petoyan/karya ring Pura ritatkala ngaturang bakti mangda sekadi ring sor :
 - a. Sane Lanang ngangge Wastra, Kampuh mekeber turin ngangge Destar
 - b. Sane Istri mekuwaca Kebayak lengan panjang.

PENUTUP

1. Awig awig puniki keraremin duk rahina Sukra Pinanggal 09 02 2018 ring Bale Banjar Adat Sengguan Desa Adat Abianbase Kecamatan Mengwi Kabupaten Badung.
2. Makecihna pemutus awig awig punika kelingga tanganin antuk krama Banjar Adat Sengguan, Penglinsir Banjar, Prejuru Adat lan Dines Banjar Sengguan Taler Bendesa adat Abianbase.

Sang Ngelingga Tanganin :

Krama Banjar Adat Sengguan

No	Nama	Tanda tangan
1.	I Ketut Raka Suputra	
2.	I Nyoman Sudarma	
3.	I Made Santra	
4.	I Made Sulendra	
5.	I Putu arta Darwika	
6.	I Made Sudarta	
7.	I Made Artha	
8.	I Made dirgayusa	
9.	I Gede Eka Ariska P	
10.	I Made Sukerta	
11.	I Putu Surya Juliantara	
12.	I Ketut Swastika	
13.	I Nyoman Raka Sudana	
14.	Ni Nyoma Suweti	
15.	I Nyoman Sunaja	
16.	I Nymn Ade MAhendra	
17.	I Rai sumerta	
18.	I Nengah Merta	
19.	I Nyoman Parta	
20.	I Made Humabara	
21.	I Nyoman Adnyana	
22.	I Ketut tony Wiartha	
23.	I Made Metra	
24.	I Putu Arief wicaksana	
25.	A.A Arie Krishna Prabu	
26.	A.A Anom Dharma Raja	
27.	A.A Gede Agung	
28.	A.A Gede Alit	
29.	A.A Neraca	
30.	A.A Gede Wiratma	
31.	A.A Gede Darmayasa	
32.	A.A Dwi Nugraha	
33.	A.A Oka Dwi Putra	
34.	I Putu Gede Patma Andika P	
35.	I Gede Eka Saputra	

36.	I Made Darmadi Putra	
37.	I Made suarsa	
38.	I Made Suartika	
39.	I ketut Sukadana	
40.	I Gede Eka Sucahyana	
41.	A.A Astina	
42.	Ida Kade Andi wirawan	
43.	I Nyoman Tinggal Duaja	
44.	I Putu Murjana	
45.	I Made Wirtayasa	
46.	I Gede Jayawarsa	
47.	I Made Putra Wijaya	
48.	I Made Sudlada	
49.	I Made Mawa	
50.	I Nym Agus Dwipayana	
51.	I Ketut Adnyana	
52.	I Putu Rustana	
53.	I Made Supradnyana	
54.	I Kadek Suartha Wirawan	
55.	A.A Gede Wiranata	
56.	I Made Edi saputra	
57.	I Nym suwarnawan	
58.	I Made Tista	
59.	I Made sugama	
60.	I Made Panca Astawa	
61.	I Made Seribek	
62.	I Nyoman Sapta Irama	
63.	I Made Suma	
64.	I Gede Mahardika	
65.	I Nyoman Sukariana	
66.	I Ketut wina	
67.	I Gede Swastawan	
68.	I Nyoman Raka Wiratama	
69.	I Gede Astawa	
70.	I Made Rai Astika Yasa	
71.	I Gede Indrayasa	

73. A.A ANOM DHARMA RATA

I Made Gunawan

Penglingsir :

I ketut Lemon

I Made Rasmen

Kelian Desa Adat Abianbase



Drs. I Made Sunarta, MM. Msi

Kepala Lingkungan Sengguan



I Nyoman Raka Susila

Kelian Adat Banjar Sengguan



I Ketut Sudlartha